



ŽENSKI AKTIVIZAM

Džemat Stockholm
2018 god.



Ženski aktivizam se sprovodi putem aktivnosti sestara u našem Džematu. Naša mualima, Mevlija Alić, predstavница žena u Odboru, uz pomoć drugih angažovanih sestara, a u okviru donešenog plana rada za 2018, je aktivno radila na okupljanju sestara, pripremanju i relizaciji potreba i želja nasih članica kako u obrazovanju tako i u druženju. S ponosom možemo reći da su aktivnosti bile obimne, raznovrsne i posjećene.

AKTIVITETI

Tri najbitnije podloge na kojima se bazira i oko kojih se odvija ženski aktivizam su: Vjerski život, Kulturni život, i Nacionalni identitet. Aktivnosti koje su realizovane u 2018 god su:

- Škola Kurana
- Sufara
- Ženska Mukabela
- Sekcija penzionerki - Bosanski jezik
- Sekcija ručnih radova
- Sekcija demokratije
- Obilazak starijih i bolesnih članica
- Predavanja
- Izložbe
- Posjeta predstavnicima džemata iz Jönköping
- Organizacija seminara za aktivne članice naših džemata
- Humanitarne aktivnosti
- Čišćenje i uređenje džamije i džamijskog prostora
- Aktivno učešće u svim aktivnostima zajednice (ramazanske aktivnosti i iftari, bajramske aktivnosti, doček musafira i sl.)

Škola Kurana

Sa školom Kur'ana se radilo planski sa unaprijed određenim ciljom da kod naših članica razvijamo ljubav prema Kur'anu, učenje po tedžvidskim pravilima i da nam Kur'an bude dostupan za pouku. Mualime Mevlija i Halima su svake subote vodile dvadesetak polaznica (i taj se broj povećava) u dvije grupe: grupa za početnice i grupa koja uči tedžvidska pravila. Posebno na šta smo ponosni da su u istoj sekciji bile tri generacije: majka, kćerka i unuka. Naša najstarija učesnica ima preko 70 godina i uspješno je savladala kur'ansko pismo i sada uči u Kur'anu. Postoje učesnice koje ne uče u Kur'anu ali redovno dolaze.

Sufara

Sa sekcijom Sufare i uvođenja u Kur'ansko pismo radi hodžinica Fadila i mualima Mevlija svake subote.

Ženska Mukabela

U toku mjeseca Ramazana, mualime, članice su se okupljale radi učenja Kur'ana i svakodnevno učile po jedan džuz iz Kur'ana i pažljivo upijale posebnu melodiju učenja koje je svojstvo svetog mjeseca Ramazana.



Bosanski jezik

Kontakt sa našim starijim članicama organizuje se i putem sekcija za penzionerke. Bosanski jezik je aktivnost koja se sprovodi u ovom druženju. Ovom sekcijom rukovode hadži Mevla i hadži Fahra. Našim penzionerkama se organizuje druženje u džamijskim a i drugim prigodnim mjestima gdje uz razgovor, knjigu i pisanu riječ se prijatno druže i informišu o svim aktivnostima u Zajednici. Aktivnosti zajedničkog čitanja knjiga je prerasla u aktivnost pisanja novela koje će djelimično dokumentovati rad sestara u džematu.

Sekcija demokratije

Pitanja aktivnijeg učešća žena u društvenim zbivanjima, odaziv što većeg broja našeg članstva na izborima su prioriteta ove sekcije. Želimo osnažiti ulogu žene u džematu da se aktivno uključe u komisije i organe zajednice. Želja nam je inspirirati članice na učenje tehnike vođenja sekcija.

Obilazak članica

Ova grupu vodi mualima Mevlia. U saradnji sa drugim članicama obišla je desetak džematliki koje su stare ili bolesne. Neke posjete smo objavili na FB stranici.

Sekcija ručnih radova

Sekcija ručnih radova je izuzetno uspješna aktivnost kojom rukovode naše članice Fikreta Kauković i Abida Aljić. Sekcija je uspješno organizovala više izložbi svojih radova koje su bile prodajnog karaktera i sredstva prikupljena u tim akcijama su uplaćivana u Fond solidarnosti. Sekciji veliki doprinos daju nase najstarije članice. Ove godine je ova sekcija za potrebe obilježavanja dana bošnjačke tradicije sašila dimije koje su nosile članice naših sekcija prilikom ove manifestacije.



Predavanja i druženja

U cilju prenošenja znanja iz oblasti vjerskog i kulturnog života te očuvanja identiteta i tradicije i obilježavanja značajnih datuma, organizuju se redovna predavanja svake poslednje subote u mjesecu. Predavači su najčešće mualime koje su aktivne u džematu, a i posebno pozvani predavači. Predavanja su dobro

Podsjećanja a poslije predavanja je druženje sestara uz kahvu i kolače. Lijepo je vidjeti starije i mlađe članice kako se družu na ovim predavanjima. Prigodnim programima smo obilježili Dan maternjeg jezika i Dan hidžaba, gdje je organizovana izložba, podjela i mijenjanje mahrama.

Posebno želimo istaknuti gostovanje profesorice islamskih nauka iz Bihaća, Šuhre Terzić, aktivistice Odjela za brak i porodicu koja se družila sa našim članicama i održala dva predavanja, jedno za članice našeg Džemata a drugo za cjelokupno članstvo. "Kardiovaskularno zdravlje i savremene bolesti" je naziv predavanja koga je održao Dr. Haris Delić. Ponosni smo da smo u prilici da naši bivši mektebski polaznici svoja znanja dijele sa džematom.

Saradnja sa drugim organizacijama

Naše članice su bile gosti organizovanog druženja sestara muslimanki koje je održano u Kista träff. Na tom druženju je bio predstavljen nas mektebski hor. Članice džemata iz Jönköpinga su bile naši gosti na manifestaciji Dan bošnjačke tradicije, mevluda i tevhida. Saradnja sa studieförbund NBV je održavana putem redovnih kontakata, prijavljivanjem aktivnosti te razgovorima sa zaposlnim u NBV. Na godišnjoj Skupštini NBV Öst pored ostalih su učestvovala naše aktivne članice Mevlija i Fadila.

Humanitarne aktivnosti

Sekcija žena već sedam godina povodom Bajramskih svečanosti sprovodi akcije "Ruža humanosti". Prodajući ruže džematlijama poslije obavljenog bajramskih namaza sakupljena su značajna sredstva u humanitarni fond. Takođe u prodajnim izložbama Sekcije za ručne radove prikupljena su sredstva u humanitarni fond. Koristimo priliku da se još jednom zahvalimo našim džematlijama i gostima koji su kupovinom Ruže humanosti i ručnih radova omogućili humanitarne akcije.

Dan bošnjačke tradicije mevluda i tevhida

Ovakva je manifestacija koja je po prvi put održana u našem džematu i na organizovanje i sprovođenje iste smo izuzetno ponosne. Program je obuhvatio predavanje, učenje Kur'ana, mevluda, zikra, salavata, ilahija, izložba te druženje. Program je bio uvod u obilježavanje aktivnosti u povodu mjeseca rođenja našeg miljenika Muhameda a.s. Dio programa je bila postavka izložbe koja predstavlja našu tradiciju. Nakon proučenog mevluda mualima Halima je održala posebno predavanje na temu Bosnjačka tradicija i rječju i slikom nas podsjetila na to šta je naša tradicija i

dijelove naše kulture. Veliki je bio odaziv na ovu manifestaciju i iskazano je veliko zadovoljstvo učesnica da je ovakav program upriličen u našoj zajednici.



Čišćenje i uređenje džamije

Članice sekcije žena su aktivno i planski radile na čišćenju i uređenju džamijskih prostorija i prostora oko džamije. Posebno naglašavamo jesenje čišćenje i uređenje dvorišta sa sađenjem cvijeća. Na proljeće će naše dvorište ukrasiti tulipani i drugo cvijeće koje smo posadile jesenas.

IZBUŠ

Naše aktivne članice su dale svoj doprinos u aktivnostima koje sprovodi IZBUŠ kao npr Seminar za aktivne članice džemata u Halmstadu gdje su učestvovala predstavnice našeg džemata mualime Mevlija i Halima.

Informisanje

Aktivnosti su otvorene za sve članice džemata. Informacije o našem radu, pozive na aktivnosti objavljujemo preko FB stranice džemata, oglasne table, te direktnim pozivanjem putem viber grupe. Aktivnosti su realizovane shodno planu koji je usvojila Skupština džemata. Želimo naglasiti da su aktivnosti bile objavljivane i na radio i stranici BIR.

Želimo naglasiti da naše aktivne džematlije su nosioci važnih aktivnosti i rada u SST, ISR, NBV, Trosamfundsrådet, IZBuŠ, i projekta Bosanski jezik. Svaka naša aktivnost se završavala sa zajedničkom kahvom i druženjem u prostorijama Divanhane. Tom prilikom su se vodili razni interesantni razgovori koje su inicirale članice. U više navrata se u razgovorima skretala pažnja na očuvanje jedinstva našeg Džemata i diskutovala bojaznost u vezi opšte situacije u džematu a i u društvu uopšte.



BIZ Stockholm